



Vivian Motzfeldt, Inatsisartuni ilaasortaq

INDGÅET

- 4 MAJ 2015

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Inatsisartuni ilaasortamut Vivian Motzfeldtimut inuusuttunik atuagarsormikkut
piginnaasakittunik piginnaangorsaaneq pillugu apeqqutitut akissut**

29-04-2015
Sags nr. 2013-079534
Dok. nr. 1952490

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

- 1. Nunatsinni inuusuttut atuagarsormikkut piginnaanikitsut, taamaattorli
timertik atorlugu sulinermik aallaaveqartumik piginnaangorsarsinnaasut
qanoq aqquutissiuunneqarniarpat?**

Atuagarsormikkut piginnaangorsaasunik ingerlassaqarnissanut piareersimangitsunut inuusuttunut kommunini Piareersarfiit atuagarsornertaqanngitsunik ingerlassassanik neqerooruteqarput. Ukiuortumik Piareersarfinni atuagarsornertaqanngitsunut suliassanut ilinniartunik 100-nik tigusaqarsinnaanermut Aningaasanut Inatsit immikkoortitaqarpoq. Taakku kommunit ilusilersugaraat, taakku innuttaasut inuusuttut, sunillu taakku pisariaqartitsineri ilisimanerpaammatigit.

Innuttaasut inuusuttut atuagarsornertaqanngitsunik ingerlatsereerunik AEU-mi imaluunniit FA-mi – Meeqqat atuarfianni Soraarummeeruteqarnermi piginnaangorsarnermut, ilinniagaqalernissamut imaluunniit suliffeqarfimmiilernissamut ilitsersorneqartarput.

Atuagarsornertaqanngitsumik ingerlassat assersuutigalugit suliffeqarfimmi suliffimmik sungiusarnermut, imaluunniit sannavimmi ingerlassinertut iluseqarput.

Immikkut ittumik suliffissaaleqinermit iliuuserisami inuusuttut meeqqat atuarfianneereernerisa kingornatigit ingerlassaqaqqinnissaat assut sammineqarpoq. Inuusuttunut ilinniagaqalernissamut imaluunniit atuagarsorluni piginnaangorsarnermut piareersimangitsunut illoqarfinni arlalinni sannaviit, suliffimmik sungiusaqatigiittartut il.il. pilersinneqarsimapput. Ukiup taassuma ingerlanerani inuusuttoq ilinniagaqarfiusumut imaluunniit Piareersarfimmi atuagarsorluni piginnaangorsarnermut ingerlateqqissimasussaavoq. Sannavinni suliniutinut taakkununga assersuutitut taaneqarsinnaapput Maniitsumi Pilersitsivik, Aasianni Piukkunnarsarfik, aamma Kommuneqarfik Sermersuumi illoqarfinni sisamani Piorsaavik.

- 2. Iliuseqarnissamik pilersaaruteqartoqarsimassappat, iliuusissat qanoq
ittut pilersaarutaappat?**

Piareersarfinni suliassaqaarfimmi aningaasaliissutit 2015-imi suli ilinniartussanik 100-nik amerlisinnissaat, aammalu 250-inik ilinniartussanik amerlisinnissaat siunnersuutaavoq, tunngavigneqarlutik nunami inuusuttuni suliffissaaleqinerup annertusiartuaarnera, kiisalu ukiuni tamani pisartutut Piareersarfiit neqeroorutaannut assupilussuaq qinnuteqartoqartarnera. Taamaattumik Suliffeqartitsinermit periusissiami suliniut nr. 4-mi Naalakkersuisut anguniagaraat inuusuttuni suliffissaaleqinerup malunnartumik annikillissinnissaa. Tamatumunnga tunngaviusoq tassaavoq inuusuttut 29-t inorlugit ukiullit 10 % sinnerlugu suliffissaaleqineri, suliffissaaleqisunillu naatsorsueqqissaarineri amerlavallaarlutik. Inuusuttut suliffissaaleqisut

ilinniagaqarnermut suliffeqarnermullu ingerlateqqinniarlugit Piareersarfiit saaffigisanut neqeroorutai atuagarsornertaqanngitsunik ingerlassanik, suliffinni sungiusarnernik, ilinniartunullu atuagarsornikkut piginnaanikitsunut tunngatitatut neqeroorutinik nukittorsarneqarput.

Atuagarsornertaqanngitsunik piginnaangorsaanerit annertusisinneri makkununga atussapput:

- Atuagarsornertaqanngitsunik ingerlassat, soorlu sannavittut assingusunik ingerlassanik pilersitsinerit, soorlu Piorsaavik, "Sapinngilanga – Pisinnaavunga" aamma "Pilersitsivik Asimi". Neqeroorutit assersuutigalugit sannavimmi, igaffimmi aamma/imaluunniit (amernik) mersorfimmi sulinermut tunngatitatut pilersinneqarsinnaapput.
- Suliffinnik sungiusarnernik ingerlassat. Piareersarfimmi ingerlassanut imaluunniit suliffeqalernermut piareersarniarlugit inuusuttunik suliaqarnertut iluseqartitamik piginnaangorsaaneq.
- Inuusuttunut atuagarsornikkut piginnaanikitsunut neqeroorutit. Suliffeqalernissamat imaluunniit atuagarsorluni piginnaangorsarnermut tapersersuutitut immikkut ilinniartitsisartulinnik neqeroorutit immikkut ittut.

Meeqqat atuariannik qimatsillutik inuusuttorpasuit ima oqimaatsigisunik artukkersugaapput atuagarsornernik ingerlassamat piareersimasuunatik. Meeraalluni angerlarsimaffimmi isumassuinikkut sumiginnaanerit, assigiinngitsutullu ilusilinnik atornerluinerit inuusuttorpasuit pissusilersornermikkut ima annertutigisunik ajornartorsiuteqarnerat ajoraluartumik nassuerutigisariaqarparput, taakkulu atuagarsorluni piginnaangorsarnermik ingerlassaasinnaasumut imaluunniit suliffeqalersinnaanermut piareernissaat sioqqullugit inuttut ineriartornerannik sammisaqarluni ingerlassassat sivikinnerusut imaluunniit sivilunerusut pisariaqartippaat.

Atuagarsornertaqanngitsunik ingerlassani piffissaq eqqorlugu takkuttarnissaq, allanik suleqateqarsinnaanissaq, inuusuttup imminek tatiginninneranik nukittorsaanissaq, aammalu siunissap iluarinartunik tunniussaqaarsinnaaneranut upperisaqalernissaq pingaartuutinneqarput.

3. Pilersaaruteqartoqanngippat inuusuttorpasuit inuiaqatigiinnut tunniussassaqaqaraluaqalutik unittuuginnartartut qanoq pineqassappat?

Innersuunneqarput apeqqutit 1 aamma 2-mut akissutinut.

Inussiarnersumik inuulluaqqusillunga
Med venlig hilsen


Vittus Qujaukitsoq